



Broj, 01-07-10-51-35/2024
Sarajevo, 29.1.2024. godine

Na osnovu člana 25., stav (1) i člana 26. stav (4), a sve u vezi sa članom 51. Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23), te na osnovu člana 205. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13, 53/16, 61/22) kao i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Emine Dizdarević Tahmišćija, [REDACTED], od 19.1.2024. godine, predsjednik Visokog sudskog i tužilačkog vijeća Bosne i Hercegovine donosi

DJELOMIČNO RJEŠENJE

Odobrava se zahtjev za pristup informacijama o:

- a) sudijama Suda Bosne i Hercegovine i tužiocima Tužilaštva Bosne i Hercegovine koji su privremeno udaljeni od vršenja dužnosti nosioca pravosudne funkcije u periodu od posljednjih pet godina;
- b) trajanju privremenog udaljenja za svakog nosioca pravosudne funkcije iz tačke a) ovog djelimičnog rješenja pojedinačno.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 19.1.2024. godine zaprimilo zahtjev Emine Dizdarević Tahmišćija, [REDACTED] (u daljem tekstu: podnositeljica zahtjeva) za pristup informacijama kojim je tražen spisak sudija Suda Bosne i Hercegovine i tužilaca Tužilaštva Bosne i Hercegovine koji su zadnjih pet godina bili suspendovani do okončanja disciplinskog postupka i/ili krivičnog postupka, na koji vremenski period su suspenzije trajale pojedinačno za svaku osobu, kao i osobe kojima trenutno traju suspenzije. Također, traženi su podaci koliko novca im je na osnovu plaća isplaćeno tokom trajanja suspenzije.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine.

Uvidom u službenu evidenciju, utvrđeno je da VSTV BiH raspolaže podacima koji se dostavljaju u formi Excel tabele u prilogu ovog rješenja. Podaci su diferencirani prema instituciji, imenu i poziciji nosioca pravosudne funkcije, datumu podnošenja zahtjeva za

privremeno udaljenje, datumu donošenja odluke, informaciji da li je postupak okončan ili ne te ukupnom broju dana privremenog udaljenja na dan 25.1.2024. godine.

U odnosu na pitanja iz zahtjeva u vezi sa isplaćenim iznosima plaća navedenih nosilaca pravosudnih funkcija tokom trajanja suspenzije, zahtjev za pristup informacijama je, u skladu sa članom 23. stav (7) Zakona o slobodi pristupa informacijama na nivou institucija Bosne i Hercegovine upućen Sudu Bosne i Hercegovine i Tužilaštvu Bosne i Hercegovine na nadležno postupanje. Obavijest upućena nadležnim institucijama dostavlja se u prilogu ovog rješenja.

Postupajući po zahtjevu podnositeljice, uzimajući u obzir sve gore navedeno, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za disciplinske postupke i etiku nosilaca pravosudnih funkcija
3. U spis

Prilog:

1. Podaci iz izreke rješenja u formi Excel tabele
2. Obavijest br. 01-07-10-51-36/2024 od 29.1.2024. godine upućena Sudu BiH i Tužilaštvu BiH